

# ურთიერთგაგების მემორანდუმი

ქ. თბილისი

16 ნოემბერი, 2015 წ.

საქართველოს მთავრობა (შემდგომში „მთავრობა“), წარმოდგენილი საქართველოს ენერგეტიკის მინისტრის კახა კალაძეს მიერ; და

შპს „უსასრულო ენერგია“ (შემდგომში „კომპანია“) ს/კ: 405104257, წარმოდგენილი მისი დირექტორის თორნიკე ბახტურიძის მიერ.

დებენ წინამდებარე ურთიერთგაგების მემორანდუმს (შემდგომში „მემორანდუმი“) შემდეგზე:

## 1. მიზანი

1.1. მემორანდუმის მიზანს წარმოადგენს კომპანიის მიერ, ამ მემორანდუმის დანართი N1-ით გათვალისწინებულ ტერიტორიაზე ქარის მონაცემთა შესწავლა შემდგომში ქარის ელექტროსადგურ(ებ)ის მშენებლობის, ფლობის და ოპერირების მიზნით წინამდებარე მემორანდუმის და მხარეთა შორის დამატებით შეთანხმებული პირობების მიხედვით (შემდგომში „პროექტი“).

## 2. პროექტის ვადები და პირობები

2.1. კომპანია წინამდებარე მემორანდუმის ხელმოწერიდან 24 თვეში უზრუნველყოფს:

ა) მემორანდუმის დანართი N1-ით გათვალისწინებული ტერიტორიაზე მემორანდუმის დანართი N2 გრაფიკის შესაბამისად ქარის მონაცემთა შესწავლას;  
ბ) დანართი N1-ით გათვალისწინებულ ტერიტორიაზე ელექტროსადგურ(ებ)ის მშენებლობასთან დაკავშირებით წინადადების საქართველოს მთავრობისთვის წარდგენას.

2.2. იმ შემთხვევაში თუ 2.1. პუნქტის „ა“ ქვეპუნქტის შესრულების შედეგად კომპანიამ მიიღო გადაწყვეტილება ქარის ელექტროსადგურ(ებ)ის მშენებლობის შესახებ, 2.1. პუნქტის „ბ“ ქვეპუნქტის თანახმად საქართველოს მთავრობისთვის წარდგენილი წინადადება უნდა შეიცავდეს:

- ა) კომპანიის გადაწყვეტილებას შესაბამისი ელექტროსადგურ(ებ)ის მშენებლობაზე;
- ბ) ელექტროსადგურ(ებ)ის დადგმულ სიმძლავრეს და საშუალო წლიურ გამომუშავებას;
- გ) ელექტროსადგურ(ებ)ის ადგილმდებარეობის ზუსტ კოორდინატებს;
- დ) ელექტროსადგურ(ებ)ის მშენებლობის დაწყების, მშენებლობის დასრულების და ექსპლუატაციაში გაშვების თარიღებს, აგრეთვე თითოეული ელექტროსადგურისთვის განსახორციელებელი ინვესტიციის ოდენობას;
- ე) მოპოვებულ ქარის მონაცემებს და მასთან დაკავშირებულ სრულ დოკუმენტაციას;

3) წინამდებარე მემორანდუმით განსაზღვრული ვადითა და ოდენობით სს „ელექტროენერგეტიკული სისტემის კომერციული ოპერატორი“-სათვის მისაყიდი ელექტროენერგიის ფასს.

2.3. 2.2. პუნქტის შესაბამისად წინადადების წარდგენიდან 2 თვის ვადაში მხარეები ერთობლივად განიხილავენ კომპანიის მიერ ელექტროსადგურ(ებ)ის მშენებლობის საკითხს და იღებენ გადაწყვეტილებას ელექტროსადგურ(ებ)ის მშენებლობის ან მშენებლობაზე უარის შესახებ.

2.4. 2.3. პუნქტის შესაბამისად, მხარეთა მიერ ელექტროსადგურ(ებ)ის მშენებლობის შესახებ გადაწყვეტილების მიღების შემთხვევაში, 2.3. პუნქტით დადგენილი ვადის ამოწურვიდან არაუგვიანეს 2 თვისა მხარეთა შორის იდება ხელშეკრულება (ხელშეკრულებები) ელექტროსადგურ(ებ)ის მშენებლობის, ფლობის და ოპერირების შესახებ (შემდგომში „ხელშეკრულება“).

2.5. ხელშეკრულების ძალაში შესვლის დღიდან კომპანია ვალდებულია დადგენილ ვადაში და პირობებით მშენებლობის ნებართვის საფუძველზე ელექტროსადგურ(ებ)ის მშენებლობის დაწყების და ექსპლუატაციაში მიღების უზრუნველსაყოფად, საქართველოს მთავრობის სასარგებლოდ საქართველოს ენერგეტიკის სამინისტროს წარუდგინოს საბანკო გარანტია, ასაშენებელი ელექტროსადგურ(ებ)ის ჯამური დადგმული სიმბლავრის მიხედვით, ყოველი მეგავატისათვის 100 000 (ასი ათასი) აშშ დოლარის ან მისი ეკვივალენტის ევროში (საქართველოს ეროვნული ბანკის მიერ იმ პერიოდისათვის დადგენილი კურსის შესაბამისად) ოდენობით (შემდგომში „სამშენებლო გარანტია“). ამასთან, სამშენებლო გარანტია გაცემული უნდა იყოს „ეკონომიკური თანამშრომლობისა და განვითარების ორგანიზაციის (OECD)“ წევრ ნებისმიერ ქვეყანაში ან/და საქართველოში ლიცენზირებული ბანკის მიერ. სამშენებლო გარანტიის ოდენობა არ უნდა აღემატებოდეს გარანტიის გამცემი ბანკის სააქციო კაპიტალის 15 პროცენტს.

2.6. მთავრობა, ამ მემორანდუმის დადებიდან 24 თვის განმავლობაში კომპანიის წერილობითი თანხმობის გარეშე არ გადასცემს დანართი N1-ით გათვალისწინებულ ტერიტორიაზე ქარის ელექტროსადგურ(ებ)ის მშენებლობის, ფლობის და ოპერირების უფლებას სხვა პირს, გარდა 2.8 და 2.9 პუნქტებით გათვალისწინებული შემთხვევებისა.

2.7. ხელშეკრულების დადების ვადის ამოწურვამდე მთავრობა არ გადასცემს სხვა პირ(ებ)ს დანართი N1-ით გათვალისწინებულ ტერიტორიაზე ქარის ელექტროსადგურ(ებ)ის მშენებლობის, ფლობის და ოპერირების უფლებას, რომლის მშენებლობაზეც კომპანიის მიერ მემორანდუმის შესაბამისად მთავრობისათვის წარდგენილ იქნა წინადადება და ამ მემორანდუმის მიხედვით მხარეთა მიერ მიღებული იქნა გადაწყვეტილება შესაბამისი ელექტროსადგურ(ებ)ის მშენებლობის შესახებ, გარდა 2.8 და 2.9 პუნქტებით გათვალისწინებული შემთხვევებისა.

2.8. მთავრობა უფლებამოსილია 2.6. ან/და 2.7 პუნქტებით დადგენილი ვადის გასვლამდე კომპანიის თანხმობის გარეშე გადასცეს დანართი N1-ით განსაზღვრულ ტერიტორიაზე იმ ელექტროსადგურ(ებ)ის მშენებლობის, ფლობისა და ოპერირების უფლებას სხვა პირს, რომელზეც (რომლებზეც):

ა) მთავრობას გააჩნია დასაბუთებული წერილობითი ინფორმაცია იმის თაობაზე, რომ კომპანია ვერ უზრუნველყოფს დანართი N1-ით გათვალისწინებულ ტერიტორიაზე ქარის მონაცემთა მოპოვებას დანართი N2-ით გათვალისწინებულ ვადებში;

ბ) კომპანიამ უარი განაცხადა ელექტროსადგურ(ებ)ის მშენებლობაზე.

გ) კომპანიამ დაარღვია მემორანდუმის დანართი N2-ით გათვალისწინებული ნებისმიერი ვადა და ასევე 4.2 პუნქტის შესაბამისად დამატებით განსაზღვრული ვადა, ასეთის არსებობის შემთხვევაში.

2.9. კომპანია ვალდებულია მოთხოვნისთანავე გადასცეს მთავრობას მის ხელთ არსებული დანართი N1-ით გათვალისწინებულ ტერიტორიაზე ქარის მონაცემები და მასთან დაკავშირებული ყველა დოკუმენტები (მათ შორის მონაცემები) სრულად, უსასყიდლოდ, ექსკლუზიური საკუთრების უფლებით, თუ:

ა) მშენებლობის შესახებ კომპანიის მიერ 2.2. პუნქტის შესაბამისად მთავრობისთვის წინადადება არ იქნა წარდგენილი;

ბ) მშენებლობაზე კომპანიის მიერ 2.2. პუნქტის შესაბამისად მთავრობისთვის წარდგენილ იქნა წინადადება მაგრამ 2.3. პუნქტის მიხედვით მხარეთა მიერ არ იქნა მიღებული გადაწყვეტილება მშენებლობაზე;

გ) მშენებლობაზე კომპანიის მიერ 2.2. პუნქტის შესაბამისად მთავრობისთვის წარდგენილ იქნა წინადადება, 2.3. პუნქტის მიხედვით მხარეთა მიერ მიღებული იქნა გადაწყვეტილება მშენებლობაზე, მაგრამ მთავრობას და კომპანიას შორის მემორანდუმის 2.4. პუნქტით დადგენილ ვადაში არ იქნა დადებული მშენებლობის, ფლობის და ოპერირების შესახებ ხელშეკრულება;

დ) დადგა 2.8 პუნქტის შესაბამისი ნებისმიერი გარემოება.

2.10. ქვეყნის ელექტროენერგიით მომარაგების უზრუნველყოფის მიზნით, ექსპლუატაციაში მიღებიდან ათი წლის განმავლობაში, კომპანიის მიერ წინამდებარე მემორანდუმის შესაბამისად აშენებული თითოეული ელექტროსადგურის, ყოველი წლის ზამთრის თვეებში (ოქტომბერი, ნოემბერი, დეკემბერი, იანვარი, თებერვალი, მარტი (“ზამთრის პერიოდი”)) წლიური გენერაციის 20%-ის რეალიზაცია უნდა განხორციელდეს საქართველოში, ადგილობრივ ბაზარზე, რაც ასახება შესაბამისი წლის ელექტროენერგიის (სიმძლავრის) ბალანსში, ან სხვა ანალოგიური ხასიათის დოკუმენტში.

### 3. მიწის საკუთრების უფლება და მშენებლობის ნებართვა

3.1. პროექტის განხორციელების მიზნით, საჭიროების შემთხვევაში, მთავრობა უზრუნველყოფს სახელმწიფო საკუთრებაში არსებული შესაბამისი მიწის ნაკვეთ(ებ)ის კომპანიისათვის კანონმდებლობით დადგენილ წესით საკუთრებაში გადაცემას.

3.2. მთავრობა თავისი კომპეტენციის ფარგლებში, აღმოუჩენს კომპანიას სათანადო დახმარებას მშენებლობის ნებართვ(ებ)ის მიღებასთან დაკავშირებით, იმ პირობით, რომ კომპანიის მიერ სრულად იქნება დაკმაყოფილებული კანონმდებლობით დადგენილი მოთხოვნები და პირობები.

4. პროექტის ხარჯები, ინფორმაციის მიწოდება

4.1. პროექტთან დაკავშირებულ ხარჯებს სრულად გაიღებს კომპანია.

4.2. კომპანია წინამდებარე მემორანდუმის დადების დღიდან ვალდებულია კვარტალში ერთხელ საქართველოს ენერგეტიკის სამინისტროს წარუდგინოს ანგარიში, რომელიც უნდა ასახავდეს კომპანიის მიერ ვალდებულებების შესრულების პროგრესს, რაც უნდა შეიცავდეს კონკრეტული კვლევის დასაბუთების შესახებ ინფორმაციას, მიღებული შედეგებს, გაანგარიშებებს, გათვლებს, პარამეტრებს, გამოყენებული მეთოდოლოგიებისა და სტანდარტების მითითებით. თუ აღნიშნული ანგარიში, მთლიანად ან ნაწილობრივ არ არის შესაბამისი ხარისხის, საქართველოს ენერგეტიკის სამინისტრო წერილობითი შეტყობინების მეშვეობით კომპანიას უსაზღვრავს დამატებით გონივრულ ვადას 3 თვემდე აღნიშნული ხარვეზის აღმოფხვრის მიზნით. აღნიშნული დამატებითი დრო არ განაპირობებს 2.1. პუნქტით გათვალისწინებული ვადის გაზრდას.

5. მემორანდუმის მოქმედება

5.1. მემორანდუმი ძალაში შედის მხარეთა მიერ მისი ხელმოწერისთანავე;

5.2. მემორანდუმის მოქმედება შეწყდება შემდეგ შემთხვევებში:

ა) მხარეთა შეთანხმებით;

ბ) იმ ელექტროსადგურ(ებ)ის ნაწილში, რომელთა:

ბ.ა) მშენებლობის შესახებ კომპანიის მიერ 2.2. პუნქტის შესაბამისად არ იქნა მთავრობისთვის წარდგენილი წინადადება - 2.1. პუნქტით გათვალისწინებული ვადის ამოწურვისთანავე;

ბ.ბ) მშენებლობაზე კომპანიის მიერ 2.2. პუნქტის შესაბამისად მთავრობისთვის წარდგენილ იქნა წინადადება, მაგრამ 2.3. პუნქტის მიხედვით მხარეთა მიერ არ იქნა მიღებული გადაწყვეტილება მშენებლობაზე - 2.3. პუნქტით გათვალისწინებული ვადის ამოწურვისთანავე;

ბ.გ) მშენებლობაზე კომპანიის მიერ 2.2. პუნქტის შესაბამისად მთავრობისთვის წარდგენილ იქნა წინადადება, 2.3. პუნქტის მიხედვით მხარეთა მიერ მიღებული იქნა გადაწყვეტილება მშენებლობაზე, მაგრამ მთავრობას და კომპანიას შორის მემორანდუმის 2.4. პუნქტით დადგენილ ვადაში არ იქნა დადებული მშენებლობის, ფლობის და ოპერირების შესახებ ხელშეკრულება - 2.4. პუნქტით გათვალისწინებული ვადის ამოწურვამდე;

გ) თუ ადგილი ექნება 2.8. პუნქტის ერთი ან მეტი ქვეპუნქტით გათვალისწინებულ შემთხვევებს შესაბამის ელექტროსადგურ(ებ)თან მიმართებაში;

დ) საქართველოს კანონმდებლობით გათვალისწინებულ სხვა შემთხვევებში.

5.3. წინამდებარე მემორანდუმით კომპანიის მიერ ნაკისრი ვალდებულებების შეუსრულებლობის შემთხვევაში, მემორანდუმის მოქმედების და კომპანიის პასუხისმგებლობის საკითხი რეგულირდება საქართველოს კანონმდებლობის შესაბამისად.

5.4. წინამდებარე მემორანდუმის მოქმედების მთლიანად ან ნაწილობრივ შეწყვეტა არ აუქმებს 2.9. პუნქტით გათვალისწინებულ კომპანიის ვალდებულებებს.

## 6. ცვლილებები

6.1. წინამდებარე მემორანდუმის ცალკეული დებულება შეიძლება შეიცვალოს მხარეთა წერილობითი შეთანხმების საფუძველზე. თუ მემორანდუმის რომელიმე დებულება ძალას დაკარგავს, ეს არ იმოქმედებს მემორანდუმის სხვა დებულებებზე.

## 7. შეტყობინება

7.1. მხარეების მიერ გაგზავნილი ნებისმიერი კორესპონდენცია, წინამდებარე მემორანდუმის ფარგლებში, უნდა განხორციელდეს წერილობითი ფორმით და გაიგზავნოს ფოსტით ან კურიერის მეშვეობით (ორიგინალთან ერთად). შეტყობინება შევა ძალაში დაუყოვნებლივ მიმღების მიერ მისი მიღებისთანავე.

## 8. მარეგულირებელი კანონმდებლობა და დავების მოგვარება

8.1. წინამდებარე მემორანდუმი დადებულია და რეგულირდება საქართველოს კანონმდებლობით.

8.2. ყველა დავა, რომელიც წარმოიშვება წინამდებარე მემორანდუმთან დაკავშირებით, გადაწყვდება მხარეთა შორის მოლაპარაკების გზით. იმ შემთხვევაში, თუ მხარეთა შორის შეთანხმება ვერ შედგა, დავა გადაწყვდება საქართველოს საერთო სასამართლოების მიერ საქართველოს მოქმედი კანონმდებლობის შესაბამისად.

## 9. ასლები, მემორანდუმის ენა

9.1. მემორანდუმი შედგენილია ქართულ ენაზე ორ თანაბარმნიშვნელოვან ეგზემპლარად.

## 10. ხელმოწერები:

საქართველოს მთავრობა

კახა კალაძე

შპს “უსასრულო ენერგია”

თორნიკე ბატუმი

დანართი N1

ელექტროსადგურის დასახელება	ადგილმდებარეობა	კოორდინატები
„იმერეთი 1“	<p>იმერეთის რეგიონი</p> <p>სოფლები: ხვანი, ჭალოვანი, ნიგვზარა, ბერეთი, კოლბოურთან მიმდებარე ტერიტორია</p>	<p>ქარის ელექტროსადგურის განთავსებისთვის საჭირო სავარაუდო ტერიტორიის უკიდურესი წერტილების კოორდინატები:</p> <p>N1 x 364822; y 4665722;  N1 x 376669; y 4675279;  N2 x 378069; y 4674816;  N3 x 378105; y 4673343;  N3 x 364953; y 4664027;  N3 x 365926; y 4664027;</p> <p>N1 x 380348; y 4673167;  N2 x 379964; y 4672030;  N3 x 380219; y 4669038;  N3 x 385619; y 4669035;  N3 x 383594; y 4672439;</p>

## დანართი 2

#	თვეუბის რაოდენობას მეტორნოლოგის ხელშეკრის	1	2	3	4	5	6	7	8	9	10	11	12	13	14	15	16	17	18	19	20	21	22	23	24
1	ასტეროიდი მონაცემების დამუშავება																								
2	სავარაუდო გეოგრაფიის შეფასება																								
3	წილის ტანკონისაფილი ჰელენა																								
4	ქსელთან მიღრობის სურჩის კვლევა																								
5	კანის სისტერნის ტოლო დანადგარის მონაცემი																								
6	გარემოზე კლლკოს წილასწორი შეფასება																								
7	ქართვის რეჟიმის: სიჩქრისა და მიმართულების დაზუსტება																								
8	ტოპოგრაფიული საზოგადოებრივი ასტრონომია																								
9	ყელლებია და ჰიგიენიკური																								
10	პირის ნაკვეთების განსაზღვრა																								
11	ქარის სადეცუროს თპტიზიზება																								
12	გამოსაყენებელი ტექნიკურიას ალტერნაციულის განხილვა და შეკრიცვა																								
13	შედა შეურთებების დოზარი																								
14	ტექნიკური დიზაინი																								
15	აღმოთავლინება და ვაჭრობიკური შეფასება																								
16	საჯაროის წერტილის გეოგრაფიული უფლებების შეფასება																								
17	შესყიდვების განმორცვულების გეომ																								
18	გარემოზე ზომიერებულობის შეფასების სამიღლო																								
19	საჯარო გეომილიკა																								
20	სოციალური და ეკონომიკური დასაბუთებების ანგარიშისა და კონფიდენციალურობის წილადულების წარდგენისათვის																								

სამუშაოების შესრულების ვალები, თვეუბი




## საქართველოს მთავრობის კანკარგულება

№2394 2015 წლის 9 ნოემბერი ქ. თბილისი

საქართველოს მთავრობასა და შპს „უსასრულო ენერგიას“ შორის  
დასადები ურთიერთგაგების მემორანდუმის თაობაზე

1. მოწონებულ იქნეს საქართველოს მთავრობასა და შპს „უსასრულო ენერგიას“ შორის დასადები ურთიერთგაგების მემორანდუმის პროექტი.
2. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27-ე მუხლის შესაბამისად, ურთიერთგაგების მემორანდუმს, საქართველოს მთავრობის სახელით, ხელი მოაწეროს საქართველოს ენერგეტიკის მინისტრმა კახა კალაძემ.

პრემიერ-მინისტრი



ირაკლი ღარიბაშვილი

N 5945



საქართველოს იუსტიციის სამინისტრო  
MINISTRY OF JUSTICE OF GEORGIA



KA010139304373315

საქართველო, ქ. თბილისი, 0114, გორგასაძის ქ. 24 ა. ტელ.: 2 40-51-48, 2 40-58-36; ელ.ფოსტა: info@justice.gov.ge  
24 ა, Gorgasali str., 0114, Tbilisi. Tel. 2 40-51-48, 2 40-58-36, E-MAIL: info@justice.gov.ge

№7547

02 / ოქტომბერი / 2015 წ.

საქართველოს ეპერგეტიკის  
მინისტრის მოადგილეს,  
ბატონ ირაკლი ბათალაძეს

შ. ქართველი,

საქართველოს იუსტიციის სამინისტრომ განხილა თქვენ მიერ 2015 წლის 25 სექტემბრის №04/3625  
წერილით წარმოდგენილი საქართველოს მთავრობასა და შპს „უსასრულო ენერგიას“ შორის დასადები  
ურთიერთგებების მემორანდუმის პროექტი, რომელთან დაკავშირებით გაცნობებთ შემდეგ:

მემორანდუმის 2.8 მუხლს მიზანშეწონილია დაემატოს ქვეპუნქტი, რომლის თანახმადაც, სხვა პირისთვის  
შეწყვეტილი იყენება. ფლობისა და ოპერირების უფლების გადაცემის საფუძვლად გათვალისწინებული იქნება  
კომპანიის მიერ შემორჩენდუმის დანართი №2-ით დადგენილი წებისმიერი ვადის დარღვევა. აქცე შევნიშნავთ,  
რომ შემორჩენდუმის 2.8(ა) პუნქტი შეიცავს ტექნიკურ ხარვეზს, კორპორატიულ მონაცემების ნაწილში მას  
უნდა დაეშაროს მითითება დანართი №2-ზე.

პატივისცემით,

გ. ღმარჯვენიშვილი

მინისტრის მოადგილე

გორგა ლორთქიფანიძე



**საქართველოს ენერგეტიკის სამინისტროს ენერგეტიკული დეპარტამენტის**

**დასკვნა**

საქართველოს ენერგეტიკის სამინისტროში შპს „უსასრულო ენერგიის“ (ს/კ 405104257) მიერ წარმოდგენილი საინვესტიციო წინადადების - იმერეთის რეგიონში ქარის ელექტროსადგურის პროექტების განხორციელების შესახებ.

2015 წლის 9 ივნისს შპს „უსასრულო ენერგიამ“ საქართველოს ენერგეტიკის სამინისტროში N3559 წერილით წარმოადგინა საინვესტიციო წინადადება, იმერეთის ტერიტორიაზე ქარის ელექტროსადგურების პროექტის განხორციელების შესახებ, ტექნიკურ-ეკონომიკური კვლევითი სამუშაოების ჩატარების და შემდგომში მათი მშენებლობის, ფლობისა და ოპერირების მიზნით.

ქარის ელექტროსადგურის მშენებლობის ტერიტორია, განთავსებულია სოფლებთან: ხვანი, ჭალოვანი, ნიგვზარა, ბერეთი, კოლომურთან დაახლოებით 2-3 კმ-ის მოშორებით. ასევე უახლოეს საჩხერის სარეკინიგზო სადგურთან დაკავშირებულია შიდა სახელმწიფოებრივი მნიშვნელობის - შ 22 (გომი, საჩხერე, ჭიათურა, ზესტაფონი) - ის საავტომობილო გზის 25 კმ სიგრძის მონაკვეთით, ხოლო ავტობანთან იგივე გზის 35 კმ სიგრძის მონაკვეთით.

ქარის ელექტროსადგურის სავარაუდო სიმძლავრეა 300 მგვტ;

ქარის ელექტროსადგურის სავარაუდო წლიური გამომუშავება 1,1 მილიარდ.კვტ.სთ;

ტურბინების მაქსიმალურ სიმძლავრედ მიღებულია 3 მგვტ, ხოლო ტურბინების რაოდენობად კი-100.

**ენერგიის გამომუშავების ანალიზი წლის ჭრილში:**

- წლიური გამომუშავება, მლნ.კვტ.სთ. 100% 1 112,3;
- გამომუშავება შემოდგომა-ზამთრის სეზონზე, მლნ.კვტ.სთ. 63% 699,7;
- გამომუშავება გაზაფხულ-ზაფხულის სეზონზე, კვტ.სთ 37% 412,6;

1 - პროექტის საკვლევი სავარაუდო არჯალი მოიცავს დაახლოებით 3563 ჰა.

ტურბინების განთავსების სავარაუდო კოორდინატებია:

N1 x 364822 ; y 4665722;

N1 x 376669 ; y 4675279;

N2 x 378069 ; y 4674816;

N3 x 378105 ; y 4673343;

N3 x 364953; y 4664027;

**N3 x 365926; y 4664027;**

2 -- პროექტის საკულეუფი სავარაუდო არეალი მოიცავს დაახლოებით 1817 ჰა.  
ტურბინების განთავსების სავარაუდო კოორდინატებია:

**N1 x 380348 ; y 4673167;**

**N2 x 379964; y 4672030;**

**N3 x 380219 ; y 4669038;**

**N3 x 385619 ; y 4669035;**

**N3 x 383594; y 4672439;**

წარმოდგენილი დოკუმენტაცია სრულად შეესაბამება საქართველოს ენერგეტიკის მინისტრის 2014 წლის 10 აპრილის N40 ბრძანების მე-2 დანართით განსაზღვრულ მოთხოვნებს და ასევე ავღნიშნავთ, რომ „იმერეთი 1“-ის მშენებლობის ტერიტორია არ არის შეხებაში, საქართველოს მთავრობასა და თურქულ კომპანია „ENERGO Windpower“-ს შორის 2014 წლის 23 მაისს გაფორმებული მემორანდუმით გათვალისწინებულ საკულეუფი ტერიტორიებთან.

გიორგი შუკაციძე

დეპარტამენტის უფროსის მოადგილე

ენერგეტიკული დეპარტამენტი